

Broj: 04-49-3950/12

Sarajevo, 14. 08.2012. godine

## OBAVJEŠTENJE DRUŠTVIMA ZA REVIZIJU U FEDERACIJI BOSNE I HERCEGOVINE

Slijedom Informacije od strane Revizorske komore Federacije BiH o slabom odzivu Društava za reviziju i revizora o učlanjenju u Revizorsku komoru Federacije BiH kao i lošem odzivu Društava za reviziju na sastanke Skupštine Komore koji nisu održani u dva navrata na kojima su se trebali usvojili određeni normativni akti neophodni za njeno funkcionisanje, u cilju prevazilaženja nastalih problema dužnost mi je da vas podsjetim na obavezu dosljedne primjene propisa koji obavezuju Društva za reviziju i revizore na članstvo u Revizorskoj komori FBiH, kao strukovnoj organizaciji.

Ujedno želim da podsjetim na odredbu iz člana 61. Zakonu o računovodstvu i reviziji u Federaciji BiH koji propisuju da Društava za reviziju koja imaju licencu izdatu od strane Ministarstva finansija osnivaju Revizorsku komoru kao stručnu organizaciju Društava za reviziju i ovlaštenih revizora.

Utemeljenje Revizorske komore kao strukovnog udruženja Društava za reviziju i revizora je propisano zakonom iz čega proizilazi obaveza učlanjena svih Društava za reviziju i revizora kao i uzimanja aktivnog učešća u radu Skupštine, Upravnog vijeća i Komisija koje se formiraju, shodno aktima Komore.

Dozvolite da ukažem na odredbe člana 34. Zakona o računovodstvu i reviziji u FBiH koji propisuje da su Društva za reviziju i revizori prilikom obavljanja revizije finansijskih izvještaja dužni primjenjivati Međunarodne standarde revizije, Kodeks etike za profesionalne računovođe kao i sva prateća uputstva, objašnjenja i smjernice koje donosi Međunarodna federacija računovođa.

Razumljivo, Revizorska komora kao strukovna organizacija finansira se isključivo iz članarine koju trebaju plaćati Društva za reviziju i revizori kao i iz drugih prihoda koje Komora ostvari svojim aktivnostima, a u iznosima koje donese Skupština Komore.

Nadam se da ne treba naglašavati da Komora kao strukovna organizacija Društava za reviziju i revizora, između ostalog, ima naročitu nadležnost i odgovornost za nadzor nad kvalitetom rada revizorskih društava i ovlaštenih revizora u pogledu obavljenih revizija i izvještaja Društava za reviziju kao i ocjenu sistema unutrašnje kontrole kvaliteta rada Društva za reviziju, vlasničke i upravljačke strukture i zapošljavanja revizora, ugovora i naknada obavljenih revizija.

Nadležnosti Komore kao strukovne organizacije koja je utemeljena Zakonom o računovodstvu i reviziji u FBiH proizilaze i iz odredbi Direktive 2006/43/EZ (Osma direktiva) koja u članu 29. propisuje obavezu osiguranja sistema kvaliteta na način da svi ovlašteni revizori i Društva za reviziju podliježu sistemu osiguranja kvaliteta i da je sistem provjere kvaliteta nezavisan u odnosu na revizore i revizorska društva kao i da podliježe javnom nadzoru.

U skladu sa navedenom odredbom Direktive 2006/43/EZ su i odredbe propisane u MRevS 1- Kontrola kvaliteta za društva koja obavljaju reviziju, kao i odredbe MRevS 220 - Kontrola kvaliteta rada revizora u reviziji finansijskih izvještaja i treba ga posmatrati u sklopu MRevS 200 - Opći ciljevi neovisnog revizora u obavljanja revizije, a koji obavezuju Društva za reviziju i revizore na uspostavljanje i ocjenu sistema kontrole kvaliteta na način da lice koje provodi kontrolu stekne razumno uvjerenje da sistem kontrole kvaliteta Društva za reviziju djeluje učinkovito kao i da se pregledom dovršenih angažmana potvrdi da li je ovlašteni revizor obavio reviziju u skladu s Etičkim standardima, MRevS kao i ostalim zakonodavnim i revizijskim propisima.

Pozivam vas na poštivanje odredbi Zakona, MRS i MSFI, MrevS i Direktiva te zahtijevam da ukoliko do sada niste postali član Revizorske komore da to odmah učinite zatim da se redovno odazivate na pozive Skupštine Komore kako bi se mogli usvajati potrebni akti neophodni za njeno funkcioniranje i omogućila njihova primjena, a u skladu s tim i dala ocjena kvaliteta rada Revizorskih društava i revizora.

Očekujem od vas da pokažete odgovornost u zaštiti i razvoju revizorske profesije u Federaciji Bosne i Hercegovine.

S poštovanjem,

**MINISTAR**

**Ante Krajina**



- Dostavljeno: 1. Društvima za reviziju i revizorima sa licencom,  
2. Revizorska komora FBiH,  
3. a/a